



Senin, 29 Januari 2024

Ogen : 1 Samuel 17: 41-47



Ngelawan I Bas Gelar Tuhan



Lanai asing man banta kerna cerita Daud ras Goliat. Uga Goliat. Si dagingna desken raksasa, gedang, mbelin ras mbestang. Ise pa la pang ngelawan Goliat seakatan Daud ngenca. Sieteh maka Daud eme anak perana si labo mbestang. Tapi kenca Kesah Tuhan lit bas ia maka ngelawan bangsa Pilisti, labo ia mbiar ras gentar. Daud ras Goliat perang pertonggal janah Goliat maba pedang, tumbak ras lembing i bas ngelawan Daud. Tapi Daud alu kinitekenna man Dibata ngerana man Goliat maka ia ngelawansa i bas gelar Tuhan si Mada Kuasa. Dungna si terjadi maka alu kuasa Dibata, Daud menang ngelawan Goliat alu make batu si ikalimbawangi Daud engkenai perdempakan Goliat. Dungna Goliat guling langkem ku taneh jenari mis ibunuh.

Kitik ngelawan raksasa. Tentu secara logika labo iakap banci menang si kitik. Tapi siterjadi kepeken petembil ras logika manusia adi sinehen kerna Daud ras Goliat. Si kitik banci menang erkiteken labo ia sekalak ngenca tapi lit Dibata si ngarak-ngaraksa. Aminna pe kita manusia e kitik (desken Daud) dengen jumpa perbeben si mbelin (desken Goliat) tapi teklah maka kita itemani ras ikawali Dibata si mbelin asangken perbebenta enda.

Nggo pernah sibegi sada ungkapan nina," jangan pernah katakan, "ya Allah aku punya masalah yang besar" tapi katakanlah," wahai masalah, aku punya Allah yang lebih besar darimu". Me tek kita kerna ungkapan sie? Itambah nggo ka tangkas ibas cerita Daud ras Goliat, ija si kitik menang ngelawan si galang erkiteken Tuhan si menangkensa.

Kecemasan apa yang menguasai hidupmu saat ini? Bagaimana kenyataan bahwa Allah jauh lebih besar daripada segalanya dapat mengubah perspektifmu?

 "Gegeh Tuhan jadi asamta mbentasi erbage perbeben"

